

Eisen weich machen/ als Kupffer/ Ziehn/ vnd Bley zu schneiden.

Nim ein Nössel Kettichsafft/ Weinsteinöl/ 2. Nössel/ 3. Nössel Essig/ temperirs zusammen/darain lege das Eisen Tag vnd Nacht/ darauff kanstu schneiden was du wilt.

Oder nim Kröten Gerüel/ im Meyen/ vnnnd lesche ein Eisen darein abe/ 6. oder 9. mal/ es wird zehe vnd weich/ daß du es schmelzen kanst/ vnd darauff giessen was du wilst/ vnd lest sich hemmen wie Bley.

Eisen/ Staal/ Kupffer/ oder ander Metall zu machen/ daß man darein graben/ stechen/ oder schneiden kan.

Nim Salmiac, gemalen Weinsteinana, setze es vber ein gutt Feuer in einem starcken irdenen Hasen/ lege das Metall darein vnd laß es wol sieden eine Stunde/ so weichet es von dieser Erkunge.

Wiltu es wieder härten/ so machs vber einer Glut gar glüent heiß/ zeuch es herauf/ vnnnd stoß es in kalt Wasser/ so wirdt es gar hart. Je weniger du es glüent machest/ je weniger es härtet.

Ein Eisen zu machen/ daß mans stossen vnd kneten kan.

Distillire Stein Alaun zu Wasser/ vnnnd lesche in demselben stälene Klingen/ 7. mal an einander/ so werdē sie so subtil vnd weich/ auch leicht zu brechen sein/ daß mann sie auch in einem Nörsel zu stossen/ vnd zu Pulver machen kan wie ein Glas.

Item stälene Klingen so rostig sein/ 3. oder 4. Tag vnter dem Schnee begraben/ lassen sich so leicht brechen/ wie jetzt gemelt.

Eisen